

«Վավերացնում են»  
Հայաստանի Հանրապետության  
Նախագահ Ռ. Քոչարյան  
18 մայիսի 2005 թ.

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

28 ապրիլի 2005 թվականի N 540-Ն

## 602 ԾԵՆԱՆՈՏԻ ՎԵՐԱԲԵՐՅԱԼ ՏԵՆՆԻԿԱԿԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ

«Ստանդարտացման մասին»<sup>1</sup> Հայաստանի Հանրապետության օրենքի 8-րդ հոդվածին համապատասխան՝ Հայաստանի Հանրապետության կառավարությունը *որոշում է*.

1. Հաստատել ծխախոտի վերաբերյալ տեխնիկական կանոնակարգը՝ համաձայն հավելվածի:

2. Հայաստանի Հանրապետության առողջապահության նախարարին՝

ա) սույն որոշման պաշտոնական հրապարակման օրվանից 3 ամսվա ընթացքում՝ օրենքով սահմանված կարգով հաստատել ծխախոտահումքում և ծխախոտային արտադրատեսակներում պեստիցիդների մնացորդային քանակությունների և ռադիոնուկլիդների որոշման մեթոդիկաները.

բ) մինչև 2007 թվականի փետրվարի 1-ը հաստատել մարդու առողջության վրա ծխախոտ ծխելու բացասական ազդեցության վերաբերյալ լրացուցիչ նախազգուշացման տեքստերը:

3. Սույն որոշումն ուժի մեջ մտնելու օրվանից ուժը կորցրած ճանաչել Հայաստանի Հանրապետության կառավարության 1999 թվականի հունվարի 14-ի «Հայաստանի Հանրապետության տարածքում իրացվող սիգարետների վրա պարտադիր նշագրելու մասին»<sup>2</sup> N 16 որոշումը:

4. Սույն որոշումն ուժի մեջ է մտնում պաշտոնական հրապարակման օրվանից վեց ամիս հետո, բացառությամբ սույն որոշման 1-ին կետով հաստատված տեխնիկական կանոնակարգի 16-րդ կետի «բ» ենթակետի, որն ուժի մեջ է մտնում 2008 թվականի փետրվարի 1-ից:

**Հայաստանի Հանրապետության  
վարչապետ**

**Ա. Մարգարյան**

2005 թ. մայիսի 13  
Երևան

## Տ Ե Խ Ն Ի Կ Ա Կ Ա Ն Կ Ա Ն Ո Ն Ա Կ Ա Ր Գ

### Ծ Խ Ա Խ Ո Տ Ի Վ Ե Ր Ա Բ Ե Ր Յ Ա Լ

#### I. Կ Ի Ր Ա Ո Մ Ա Ն Ո Ւ Ո Ր Տ Ը

1. Ծխախոտի վերաբերյալ տեխնիկական կանոնակարգի (այսուհետ՝ տեխնիկական կանոնակարգ) գործողությունը տարածվում է արտաքին տնտեսական գործունեության ապրանքային անվանացանկի ծածկագրերին համապատասխան հետևյալ ծխախոտային հոււմքի (ծխախոտահոււմք) և ծխախոտային արտադրատեսակների վրա՝  
ծխախոտահոււմք, ծխախոտահոււմքի մնացուկներ 2401,  
սիգարներ, կտրած ծայրերով սիգարներ, սիգարիլլաներ,  
սիգարետներ՝ ծխախոտահոււմքից կամ ծխախոտահոււմքի և դրա  
փոխարինիչների խառնուրդներից 2402,  
այլ արդյունաբերական պատրաստման ծխախոտային  
արտադրատեսակներ (ծխամորճի և ծխելու ծխախոտներ,  
որոնք պարունակում են ցանկացած համամասնությամբ  
փոխարինիչներ կամ չեն պարունակում) 2403:
2. Սույն տեխնիկական կանոնակարգով սահմանվում են 1-ին կետում ներկայացված ծխախոտահոււմքի և ծխախոտային արտադրատեսակների անվտանգությունը բնութագրող ցուցանիշները, դրանց մակնշմանը, փաթեթավորմանը և պահմանը ներկայացվող պահանջները, ինչպես նաև համապատասխանության հավաստման ընթացակարգերը:
3. Սույն տեխնիկական կանոնակարգը չի տարածվում ծխախոտահոււմքի արդյունաբերական փոխարինիչների և ամբողջությամբ դրանցից պատրաստված ծխախոտային արտադրատեսակների, «վերականգնված» ծխախոտի, ծամախոտի, քթախոտի, ծխախոտի լուծամզուքների և էսենցիաների վրա:
4. Սույն տեխնիկական կանոնակարգի 1-ին կետում ներկայացված ծխախոտահոււմքը և ծխախոտային արտադրատեսակները ենթակա են համապատասխանության պարտադիր հավաստման:

#### II. Հ Ի Մ Ն Ա Կ Ա Ն Հ Ա Ս Կ Ա Ց ՈՒ Թ Յ ՈՒ Ն Ն Ե Ր Ը

5. Սույն տեխնիկական կանոնակարգում կիրառված են «Ծխախոտի իրացման, սպառման և օգտագործման սահմանափակումների մասին» Հայաստանի Հանրապետության օրենքով և սույն բաժնով նախատեսված հետևյալ հասկացությունները՝  
ծխախոտահոււմք՝ ծխախոտաբույսերից (միկոտիանա) ստացված հոււմք, որն ամբողջական բույսն է կամ տերևները՝ բնական վիճակում կամ չորացրած կամ ֆերմենտացված կամ առանձնացված մեջտեղի երակաթելով, կտրատաած կամ ոչ, ճզմած կամ ջարդած, տեսակախառնած և խոնավացրած հատուկ բաղադրությամբ հեղուկով, ինչպես նաև ծխախոտաբույսի մնացուկները, պարունակում է միկոտին և նախատեսված է ծխախոտային արտադրատեսակների պատրաստման համար.  
ծխախոտահոււմքի արդյունաբերական փոխարինիչ՝ ծխելու համար նախատեսված բույսերի խառնուրդ, որը չի պարունակում ծխախոտաբույսեր.  
սպառողական տարա՝ տարա, որով իրացվում է արտադրատեսակը և որը փոխարկան տարա չէ.  
փոխադրական տարա՝ տարա, որը կազմում է ինքնուրույն փոխադրական միավոր.

տուփ՝ սպառողական տարայի միավոր, որը պարունակում է որոշակի քանակով ծխախոտային արտադրատեսակ.

հուշանվերային տուփ՝ գեղարվեստական ձևավորմամբ սպառողական տարայի միավոր, որը պարունակում է մի քանի տուփ.

թոքս՝ խմբակային սպառողական տարայի միավոր, որը պատրաստված է տուփի ստվարաթղթից կամ պիտակային թղթից և պարունակում է որոշակի քանակությամբ սիգարետներով տուփեր.

բլոկ՝ խմբակային սպառողական տարայի միավոր, որը պարունակում է թղթով կամ պոլիմերային թաղանթով փաթաթված կամ թղթե ժապավենով փաթաթված որոշակի քանակությամբ սիգարետներով կամ ծխազլանակներով տուփեր,

ծխախոտային արտադրատեսակի խմբաքանակ՝ մինևույն մակնիշի և փաթեթավորմամբ ծխախոտային արտադրատեսակի քանակ, որը նախատեսված է վերահսկման համար.

ծխախոտային արտադրատեսակի մակնիշ՝ որոշակի սպառողական հատկություններ ունեցող ծխախոտային արտադրատեսակի անվանում:

### III. ՇՈՒԿԱ ՄՈՒՏՔ ԳՈՐԾԵԼՈՒ ՊԱՅՄԱՆՆԵՐԸ

6. Հայաստանի Հանրապետության տարածքում ծխախոտահումքի և ծխախոտային արտադրատեսակների իրացումն առանց համապատասխանության հավաստման արգելվում է:

7. Հայաստանի Հանրապետության տարածքում համապատասխանության պարտադիր հավաստման ենթակա և շրջանառության մեջ գտնվող ծխախոտահումքը և ծխախոտային արտադրատեսակները պետք է ուղեկցվեն համապատասխանության նշանի մակնշմամբ կամ համապատասխանության սերտիֆիկատով:

### IV. ՏԵԽՆԻԿԱԿԱՆ ՊԱՅՄԱՆՆԵՐԸ

8. Ծխախոտահումքի և ծխախոտային արտադրատեսակների անվտանգությունը բնութագրող ցուցանիշները ներկայացված են սույն տեխնիկական կանոնակարգի NN 1 և 2 աղյուսակներում և 9-13-րդ կետերում:

#### Ծխախոտահումքի ֆիզիկաքիմիական ցուցանիշները

Աղյուսակ N 1

Ցուցանիշի անվանումը	Ծխախոտահումքը			
	չֆերմենտացված		ֆերմենտացված	
	-	սիգարի	-	սիգարի
Խոնավությունը, % փաթեթավորված կապոցներով փաթեթավորված հակերով ցանկացած փաթեթավորմամբ	21, ոչ ավելի 17, ոչ ավելի -	- - 30, ոչ ավելի	- - 11 - 18	- - 25, ոչ ավելի
Աղբոտվածությունը հողով և ավազով, %	2,0 - 3,0	0,5 - 3,0	2,5 - 3,0	0,5 - 3,0
Ֆերմենտացվածությունը, սմ <sup>3</sup> թթվածին	-	-	0,1	

**Ծխախոտային արտադրատեսակների ֆիզիկաքիմիական ցուցանիշներ**

Աղյուսակ N 2

Ծխախոտային արտադրատեսակը	Ցուցանիշի անվանումը	Նորմը
Սիգարետ	խոնավությունը, %	11 - 15
	միկոտինի պարունակությունը մեկ սիգարետի ծխում, մգ/սիգ, ոչ ավելի սիգարետ՝ ֆիլտրով սիգարետ՝ առանց ֆիլտրի	1,2 1,3
	խեժի պարունակությունը մեկ սիգարետի ծխում, մգ/սիգ, ոչ ավելի սիգարետ՝ ֆիլտրով սիգարետ՝ առանց ֆիլտրի	14,0 16,0
Սիգար, սիգարիլլա	խոնավությունը, %	10 - 14
Ծխազլանակ		11 - 15
Ծխելու ծխախոտ		12 - 16
Ծխամորճի ծխախոտ		11,5 - 15,5

9. Ծխախոտահումքում և ծխախոտային արտադրատեսակներում պեստիցիդների՝ հեքսաքլորցիկլոհեքսանի (ՉՔՏՉ) և դրա իզոմերների և երկքլորերկֆենիլեռաքլորեթանի (ՂՂՏ) և դրա մետաբոլիտների մնացորդային քանակությունները չպետք է գերազանցեն 0,7 մգ/կգ:

10. Ծխախոտահումքում և ծխախոտային արտադրատեսակներում ռադիոնուկլիդների քանակությունը չպետք է գերազանցի՝

ցեզիում - 137՝ 120 Բկ/կգ,

ստրոնցիում - 90՝ 40 Բկ/կգ:

11. Ծխախոտահումքում չի թույլատրվում ցրտահարված, բորբոսմած, նեխած, կողմնակի հոտերով տերևների և դրանց պատառների առկայությունը:

12. Ծխախոտային արտադրատեսակներում չի թույլատրվում բորբոսահոտ, նեխահոտ և ծխախոտներին ոչ բնորոշ այլ կողմնակի հոտերի առկայությունը՝ բացառությամբ հատուկ բուրավետացման համար կիրառվող նյութերի հոտերի:

13. Ծխախոտահումքում տերևների հիվանդություններով և վնասատուներով վնասվածության մակերևույթը չպետք է գերազանցի 70 տոկոսը:

**Ծխախոտահումքի և ծխախոտային արտադրատեսակների մակնշման ու փաթեթավորման պահանջները և պահման պայմանները**

14. Ծխախոտահումքի հակերի, կապոցների, տակառների, զամբյուղների վրա տրանսպորտային մականշվածքը պետք է պարունակի հետևյալ տեղեկատվությունը՝

ա) արտադրողի անվանումը և գտնվելու վայրը,

բ) ծխախոտահումքի անվանումը, տեսակը,

գ) ֆերմենտացվածությունը (եթե ծխախոտահումքը ֆերմենտացված է),

դ) գտաքաշը և համաքաշը,

ե) բերքահավաքի տարեթիվը,

զ) թունաքիմիկատներով վերջին մշակման թվականը և դրանց անվանումները (չֆերմենտացված ծխախոտահումքի համար),

է) վարվելակարգային նշանները՝ «Պահպանել խոնավությունից», «Պահպանել

արևի ճառագայթներից»՝ ըստ սույն տեխնիկական կանոնակարգի VIII բաժնում ներկայացված բեռների մակնշման ստանդարտի:

15. Ծխախոտային արտադրատեսակների սպառողական տարայի (տուփ, հուշանվերային տուփ) յուրաքանչյուր միավորը, ինչպես նաև բոքսը և թափանցիկ փաթեթում տեղադրվող ներդիր թերթիկը պետք է պարունակեն հետևյալ տեղեկատվությունը՝

ա) արտադրանքի անվանումը («Սիգարետներ», «Ծխազլանակներ», «Սիգարներ», «Սիգարիլլաներ», «Ծխամորճի ծխախոտ» կամ «Ծխելու ծխախոտ»),

բ) մակնիշը կամ ապրանքային նշանը,

գ) արտադրողի և լիցենզավորողի (առկայության դեպքում) անվանումները և գտնվելու վայրը կամ այն կազմակերպության անվանումը և գտնվելու վայրը, որն արտադրող կազմակերպությունում հսկում է իրեն պատկանող մակնիշների ծխախոտային արտադրատեսակների արտադրության գործընթացը, օգտագործվող հումքը և որակը՝ այդ դեպքում մականշվածքում նշելով դրա երկիրը՝ որպես արտադրող,

դ) Հայաստանի Հանրապետությունում սպառողների բողոքներն ընդունող կազմակերպության անվանումը և գտնվելու վայրը (եթե արտադրողը գտնվում է այլ երկրում),

ե) ֆիլտրի առկայությունը,

զ) քանակը՝ հատերով կամ զանգվածը՝ գրամներով (ծխամորճի և ծխելու ծխախոտի համար),

է) մենթոլի առկայությունը,

ը) ծխելու վնասակարության վերաբերյալ հիմնական և լրացուցիչ նախազգուշացումները՝ սույն տեխնիկական կանոնակարգի 16-րդ և 17-րդ կետերին համապատասխան,

թ) նիկոտինի և խեժի պարունակությունը մեկ սիգարետի ծխում (միայն սիգարետների համար)՝ սույն տեխնիկական կանոնակարգի 19-րդ կետին համապատասխան:

16. Մարդու առողջության վրա ծխախոտի ունեցած բացասական ազդեցության մասին նախազգուշացման նշագրերը լինում են՝

ա) հիմնական նախազգուշացման տեքստով՝ «Ծխելը վնասակար է առողջությանը»,

բ) լրացուցիչ նախազգուշացման տեքստերով, որոնք պետք է լինեն 4 տարբերակից ոչ պակաս և հաստատվեն Հայաստանի Հանրապետության առողջապահության նախարարության գերատեսչական նորմատիվ իրավական ակտերով:

17. Ծխելու վնասակարության վերաբերյալ հիմնական և լրացուցիչ նախազգուշացումների տեքստերը պետք է զետեղվեն տուփերի և հուշանվերային տուփերի վրա՝ «Ծխախոտի իրացման, սպառման և օգտագործման սահմանափակումների մասին» Հայաստանի Հանրապետության օրենքի դրույթներին համապատասխան:

Թափանցիկ փաթեթվածքների դեպքում՝ սույն տեխնիկական կանոնակարգի 16-րդ կետով նախատեսված՝ ծխելու վնասակարության վերաբերյալ նախազգուշացումների տեքստերը պետք է զետեղվեն ներդիր թերթիկի վրա և զբաղեցնեն դրա մակերևույթի առնվազն 30 տոկոսը:

Սույն տեխնիկական կանոնակարգի 16-րդ կետի «բ» ենթակետով նախատեսված 4 տարբերակով լրացուցիչ նախազգուշացման տեքստերից յուրաքանչյուրը պետք է նշված լինի հավասար քանակով ծխախոտային արտադրատեսակների սպառողական տարաների (տուփերի) վրա:

18. Հայաստանի Հանրապետությունում սպառողների բողոքներն ընդունող կազմակերպության մասին տեղեկատվությունը թույլատրվում է զետեղել տուփի ներսում՝ կարդալու համար հարմար տեղում:

19. Նիկոտինի և խեժի պարունակության վերաբերյալ մականշվածքը պետք է զբաղեցնի սիգարետի տուփի կողմնային մակերևույթի առնվազն 4 տոկոսը: Նույն մակա-

նշվածքը պետք է զետեղված լինի նաև հուշանվերային տուփերի և բոքսերի վրա:

20. Թույլատրվում է ծխախոտահումքի տրանսպորտային փաթեթվածքի, ինչպես նաև ծխախոտային արտադրատեսակների սպառողական տարայի վրա լրացուցիչ զետեղել արտադրանքը բնութագրող այլ տեղեկություններ, որոնք չեն հակասում սույն տեխնիկական կանոնակարգի 14-րդ և 15-րդ կետերում նշված տվյալներին:

Գովազդային բնույթի տեղեկատվությունը պետք է զետեղվի միայն դրա իսկությունը հավաստող փաստաթղթերի առկայության դեպքում:

21. Արտադրողը, մատակարարը կամ նրա լիազոր ներկայացուցիչը պետք է ապահովեն Հայաստանի Հանրապետությունում իրացվող` Հայաստանի Հանրապետությունում արտադրվող կամ ներմուծվող ծխախոտային արտադրատեսակների մասին սույն կանոնակարգի 16-րդ կետում նշված տեղեկատվության տրամադրումը` հայերենով:

Պատրաստողի ու լիցենզավորողի անվանումները և ծխախոտային արտադրատեսակների մակնիշները կարող են ներկայացվել լատիներեն տառերով:

22. Ծխախոտահումքը պետք է պահվի չոր, մաքուր, լավ օդափոխվող, ամբարային վնասատուներով չվարակված պահեստներում, որոնց հատակը պետք է լինի փայտե` առանց ճեղքերի: Եթե հատակը փայտե չէ, ապա կապոցներն ու հակերը պետք է դասավորվեն փայտե տախտակամածի վրա:

Ծխախոտային արտադրատեսակները պետք է պահվեն հողի մակերևութից առնվազն 50 սանտիմետր բարձր հատակ ունեցող չոր, մաքուր, (60 ± 10) տոկոս օդի հարաբերական խոնավությամբ սեղաններում և դասավորված լինեն սենքի հատակից առնվազն 10 սանտիմետր բարձր:

## **V. ՀԱՄԱՊԱՏԱՍԽԱՆՈՒԹՅԱՆ ՀԱՎԱՍՏՄԱՆ ԸՆԹԱՑԱՎՈՐԳԵՐՆ**

23. Սույն տեխնիկական կանոնակարգի պահանջներին ծխախոտահումքի և ծխախոտային արտադրատեսակների համապատասխանությունը հավաստելու համար արտադրողը, մատակարարը կամ նրա լիազոր ներկայացուցիչը պետք է ունենան Հայաստանի Հանրապետության կառավարության 2004 թվականի օգոստոսի 12-ի «Արտադրանքի կամ ծառայությունների համապատասխանության պարտադիր հավաստման համար կիրառվող սխեմաները և դրանց նույնականացման նշագրերը սահմանելու մասին» N 1170-Ն որոշմամբ սահմանված 2ա, 3ա, 4ա, 5ա կամ 6ա սխեմաներով հավաստված համապատասխանության սերտիֆիկատ:

24. Արտադրողը, մատակարարը կամ նրա լիազոր ներկայացուցիչը ծխախոտահումքի և ծխախոտային արտադրատեսակների սպառողական և փոխադրական տարաների վրա կամ ապրանքաուղեկից փաստաթղթերում կարող են նշել համապատասխանության նշանը` Հայաստանի Հանրապետության կառավարության 2004 թվականի սեպտեմբերի 9-ի «Համապատասխանության նշանի պատկերը, դրան ներկայացվող տեխնիկական պահանջները և կիրառման կարգը հաստատելու մասին» N 1281-Ն որոշմամբ սահմանված կարգով:

25. Սերտիֆիկացման մարմինը փորձարկումներ կատարելու նպատակով նմուշառումն իրականացնում է արտադրողի, մատակարարի կամ նրա լիազոր ներկայացուցչի մասնակցությամբ` տվյալ խմբաքանակը բնորոշող նվազագույն բավարար քանակով` սույն տեխնիկական կանոնակարգի VIII բաժնում ներկայացված ծխախոտահումքի և ծխախոտային արտադրատեսակների ստանդարտներով սահմանված նմուշառման կարգին համապատասխան:

26. Ծխախոտահումքի և ծխախոտային արտադրատեսակների նույնականացման գործընթացում ստուգվում են սպառողական կամ փոխադրական տարաների կամ պիտակների վրա կատարված մականշվածքի համապատասխանությունն ապրանքաուղեկից փաստաթղթում ներկայացված տեղեկատվությանը:

27. Հավատարմագրված փորձարկման լաբորատորիան փորձարկումները պետք է կատարի սույն տեխնիկական կանոնակարգի VIII բաժնում ներկայացված ստանդարտներով սահմանված փորձարկման մեթոդներով:

Պեստիցիդների մնացորդային քանակությունները պետք է որոշվեն Հայաստանի Հանրապետության առողջապահության նախարարի կողմից հաստատված մեթոդներով:

28. Համապատասխանության սերտիֆիկատի գործողության ժամկետի ընտրությունը պետք է կատարվի ըստ իրականացված համապատասխանության հավաստման սխեմայի՝

2ս կամ 6ս սխեմայի դեպքում՝ 12 ամիս,

3ս սխեմայի դեպքում՝ 24 ամիս,

4ս կամ 5ս սխեմայի դեպքում՝ 36 ամիս:

29. Սերտիֆիկացման մարմինը հայտատուին համապատասխանության սերտիֆիկատ հանձնելու ժամանակ նրա հետ կնքում է համապատասխանության սերտիֆիկատի օգտագործման մասին պայմանագիր, եթե սերտիֆիկացման գործողությունները կատարվել են 2ս, 3ս, 4ս և 5ս սխեմաներից որևէ մեկով:

30. Սերտիֆիկացված ծխախոտահումքի և ծխախոտային արտադրատեսակների համապատասխանության հսկողությունն իրականացվում է համապատասխանության սերտիֆիկատի գործողության ժամկետի ընթացքում, առնվազն տարեկան մեկ անգամ սույն տեխնիկական կանոնակարգի 29-րդ կետում նշված պայմանագրի հիման վրա:

31. «Համապատասխանության գնահատման մասին» Հայաստանի Հանրապետության օրենքին համապատասխան համապատասխանության հսկողության արդյունքների հիման վրա սերտիֆիկացման մարմինն իրավունք ունի պահպանելու իր կողմից տրված համապատասխանության սերտիֆիկատի գործողության ժամկետը կամ այն կասեցնելու կամ դադարեցնելու: Համապատասխանության սերտիֆիկատի գործողության կասեցման կամ դադարեցման պայմանները սահմանված են Հայաստանի Հանրապետության կառավարության 2004 թվականի օգոստոսի 12-ի N 1170-Ն որոշմամբ:

32. Համապատասխանության սերտիֆիկատի գործողությունը կասեցնելու կամ դադարեցնելու դեպքում սերտիֆիկացման մարմինը դրա մասին տեղեկացնում է համապատասխանության սերտիֆիկատը տնօրինողին և գրավոր ծանուցում ստուգումներ իրականացնող իրավասու մարմիններին:

## VI. ԶԱՓՈՒՄՆԵՐԻ ՄԻԱՄԱԿԱՆՈՒԹՅԱՆ ԱՊԱՀՈՎՈՒՄԸ

33. Ծխախոտահումքի և ծխախոտային արտադրատեսակների չափումների միասնականությունը պետք է ապահովվի «Զափումների միասնականության ապահովման մասին» Հայաստանի Հանրապետության օրենքով սահմանված կարգով:

## VII. ՊԵՏԱԿԱՆ ՎԵՐԱՀԱՊՈՒԹՅՈՒՆԸ

34. Սույն տեխնիկական կանոնակարգի պահանջներին ծխախոտահումքի և ծխախոտային արտադրատեսակների համապատասխանության նկատմամբ պետական վերահսկողությունը պետք է իրականացվի «Համապատասխանության գնահատման մասին» Հայաստանի Հանրապետության օրենքով սահմանված կարգով:

## VIII. ՏԵԽՆԻԿԱԿԱՆ ԿԱՆՈՆԱԿԱՐԳԻ ՍԱՀՄԱՆՎԱԾ ՊԱՅԱՆՋՆԵՐԻ ԿԱՏԱՐՈՒՄ ԼՍԱՆԴԱՐՏՆԵՐԻ ՑԱՆԿԸ

Ստանդարտի նշագիրը (կետը)	Պահանջներ և փորձարկման մեթոդներ սահմանող ստանդարտի անվանումը
ГОУС 858 (6.1, 6.3 կետերը)	Ծխախոտ ծխելու. Ընդհանուր տեխնիկական պայմաններ

QOUS 1505 (6.1, 6.5 կետերը)	Ծխազլանակներ. Ընդհանուր տեխնիկական պայմաններ
QOUS 3713 (3.1, 3.2, 3.3, 3.5, 3.6 կետերը)	Ծխախոտահումք սիգարի չֆերմենտացված. Տեխնիկական պայմաններ
QOUS 3714 (3.1, 3.2, 3.3, 3.5, 3.6, 3.7 կետերը)	Ծխախոտահումք սիգարի ֆերմենտացված. Տեխնիկական պայմաններ
QOUS 3935 (6.1, 6.3 կետերը)	Սիգարետներ. Ընդհանուր տեխնիկական պայմաններ
QOUS 7823 (6.1, 6.3 կետերը)	Ծխախոտ ծխամորճի. Ընդհանուր տեխնիկական պայմաններ
QOUS 8072 (4.1, 4.2, 4.3, 4.4, 4.5 կետերը)	Ծխախոտահումք ֆերմենտացված. Տեխնիկական պայմաններ
QOUS 8073 (4.1, 4.2, 4.3, 4.4 կետերը)	Ծխախոտահումք չֆերմենտացված. Տեխնիկական պայմաններ
QOUS 8699 (3.1, 3.2 կետերը)	Սիգարներ. Տեխնիկական պայմաններ
QOUS 14192 (4.1, 4.2 կետերը)	Սակնշում բեռների
QOUS 30039 (ԻՍՕ 8243)	Սիգարետներ. Նմուշառում
QOUS 30040 (ԻՍՕ 4874)	Ծխախոտ. Նմուշառում հումքի խմբաքանակներից. Հիմնական դրույթներ
QOUS 30570 (ԻՍՕ 10315)	Սիգարետներ. Ծխի խտուցքում միկրոտիմի պարունակության որոշումը գազային քրոմատագրման մեթոդով
QOUS 30571 (ԻՍՕ 4987)	Սիգարետներ. Սիգարետների ծխում խոնավ և միկրոտիմի չպարունակող չոր կոնդենսատի (խեժի) պարունակության որոշումը լաբորատոր ծխելու մեքենայի օգնությամբ

**Հայաստանի Հանրապետության  
կառավարության աշխատակազմի  
ղեկավար-նախարար**

**Մ. Թովուզյան**